

正法念處經卷第三十二

陰二

元魏婆羅門瞿曇般若流支譯

觀天品第六之十一

三十三
大之八

爾時天子念其天宮還於天上是時邪見外道諸婆羅門言此諸地某天某天之所攝受或作諸論或作讚歎如是林中所住邪見外道諸婆羅門見之敬重頭面頂禮但觀其相而生敬信不如實知是第二天復生分別見此天子處處遊行身如火聚謂閻浮提人身入火中以是因緣生於善道受諸天身外道

邪見諸婆羅門即作邪論或自立宗或自說因自說譬喻或作讚歎既自邪見復爲他說令他受行以火燒身望生天上如是不能如實見知說邪因果非實果報身壞命終墮於地獄復次邪見外道諸婆羅門住林中者生於邪見親此天子從天來下向閻浮提以遠見故見不明了遙見天子從於莊嚴山峯來下至閻浮提後還天上林中所住諸婆羅門見是事已自生分別謂閻浮提人投赴高巖以是因緣生於善道受諸天身是故邪見諸

婆羅門自墮高巖欲求生天復以此法爲他人說造作邪論或作讚歎說此邪法以爲業果以其邪見妄說因果身壞命終墮於惡道地獄之中是名邪見時林中住邪見外道諸婆羅門見此天子從天來下向閻浮提去之遙遠不見正色但見大光猶如火色妄生分別便謂閻浮提人供養火故身壞命終生於善道受諸天身何以故火是一切諸天之口是故供養火者得生天上作如是等妄生分別不如實見造作邪論或自立宗或自說因

自說譬喻自作邪見復教他人令入邪見如是邪見諸婆羅門自無利益令他衰惱身壞命終墮於惡道生地獄中復有邪見外道諸婆羅門住在林中見此天子妄生分別遙見天子不飲不食時婆羅門作如是念謂閻浮提人不飲不食以是因緣身壞命終生於善道受諸天身我今亦當不飲不食復教他人令學其法造作邪論或作讚歎說此邪法以爲業果以是因緣身壞命終墮於惡道生地獄中如是外道不如實知開惡道門若此天

子或住少時或須臾頃於閻浮提過於百歲
外道邪見諸婆羅門便作是說如是天子當
住不動不破不壞造作世界能壞世間外道
見之便作邪論或作讚歎說於邪因以是因
緣身壞命終墮於惡道生地獄中如是無量
不如實見造作邪論不如實見自心欺誑不
如實見如是比丘觀諸衆生爲心誑惑以偈
頌曰

心爲惡地 愛恚周遍 賢人五體 虛生大海
愛河廣大 五根津濟 此岸恐怖 彼岸安隱

見之妄解 不如實知 是邪見人 墓於地獄
是邪見人 非因見因 墓於地獄 賦倒見故
愚癡之人 送於因果 有獄所縛 受諸苦惱
業之累報 則有生死 若如實見 則到彼岸
愚人求欲 爲欲所惑 墓於地獄 如蛾投火
人中持戒 奉修正見 而得生天 非由苦行
此諸外道 行邪見行 特智邪慢 誑惑他人
入於愚癡 黑闇大海 世間受苦 以邪見故
非以苦身 而得解脫 智者所說 調伏其心
燒煩惱山 則得解脫 修行正見 滅諸煩惱

見於實諦 則得解脫 一切外道 感諸世間
無有寂滅 不妄語處 世間外道 虛誑甚多
百劫求之 無有少實 出世之法 皆是真實
世間言說 繫縛如毒 愛心造福 得無常樂
出世之法 則得常樂 不淨衆惡 因緣和合
空有言說 而無誠實 如是妄說 虛誑之人
墮於黑闇 可怖畏處

如是比丘實諦見之說如是偈云何衆生得
真實知得真實見不起邪見邪見之論自無
實見令他邪見以邪見論或自受行或爲他

說自墮地獄亦令他人墮於地獄時諸天衆
觀察一切閻浮提已乘諸天鳥還歸三十三
天至於天宮向餘天衆如前所說復於園林
遊戲受樂伎樂自娛種種功德皆悉具足一
切衆寶莊嚴之處遊戲受樂乃至可愛善業
壞盡從天命終隨業流轉墮於地獄餓鬼畜
生若生人中常受安樂無有病惱離諸衰亂
豈樂國土而於中生受丈夫身諸根具足或
爲國王或爲大臣以餘業故復次比丘知業
果報觀三十三天所住之地彼以聞慧見三

十三天第二十七地名智慧行衆生何業而生彼天彼以聞慧見有衆生大心持戒修行善業如實見於業之果報心有信樂常行善業捨於不善其心質直遠離惡友乃至不與同路而行除一不共言論不與同住如是善業悉遍修習如鍊真金於現在世爲一切人之所愛敬以修善故若有比丘常修讀誦修多羅毗尼阿毗曇如是比丘精勤修習若晝若夜心不懈息若夜闇冥廢其讀習若有衆生敬重佛法及此比丘施僧燈明敬重法故敬信

三寶復行布施令得增長讀習之善若盛熱時以扇布施令無間冥亦無熱惱聞諸比丘談論聖法心甚喜悅二種功德因緣力故是善業人自利利人身壞命終生於善道三十天慧行之地生彼天已以善業故其身光明勝於日光滿足十倍一切天衆之所供養無量百千天女圍繞供養恭敬皆是天子先所親友和悅含笑種種莊嚴其身勝妙色相威德皆悉莊嚴離於妬嫉互相愛敬不離須臾皆生歡喜親近天子手執蓮華或執金華

或執銀華毗琉璃華波瓈迦華或雜寶華若
金蓮華白銀爲莖赤寶爲鬚毗琉璃華真金
爲莖青寶蓮華白銀爲莖硯磲蓮華青寶珠
玉以爲其莖赤蓮華寶金剛爲鬚如是天女
至天子所以所持華散天子上猶如盛夏降
後二
澍洪雨諸天女等以諸寶華散於初生天子
之上亦復如是爾時天子見諸天女心生歡
喜欲心即動惡欲心發從其座起得未曾有
詣諸天女踊躍歡喜皆共和合娛樂受樂歌
舞戲笑遊戲娛樂令此天子欲心增長如是

天女周帀圍遶遊於園林天諸園林衆寶光
明一切諸欲皆悉具足於此樹下遊戲受樂
種種衆鳥歌衆妙音與天女音不可分別莊
嚴欲具華果充足種種流泉蓮華河池有百
千種園遶園林如是天子與諸天女遊戲娛
樂受無量樂以善業故是時天子復與天女
更詣異林伎樂自娛隨念具足受天之樂聖
人所愛持戒之果成就果報如是天子天女
圍遶復往詣於摩尼支羅遊戲之林先舊諸
天見此天子皆出往迎心生歡喜猶如見於

親族兄弟安慰問訊共入林中五樂音聲受天之樂如是天子受種種樂復於摩尼支羅林中無量歡喜目視衆色心生喜樂其地園林皆以七寶而爲莊嚴金色寶衣莊嚴林樹智是種種寶樹莊嚴其地柔軟無量飲食從河而流目視如是一切衆色眼甚愛悅如是初生天子與諸天衆娛樂受樂天子復請毗

發希有心生大歡喜共天女衆往詣此樹作天伎樂遊戲受樂是時諸天於此林中心生希有即於華中出天摩偷具足一切上妙之味一切天衆昔所未見色香味觸見之皆生百倍悅樂飲天摩偷上味之酒天子飲之共諸天女遊戲受樂歌衆妙音讚天王釋以天帝釋因緣力故令我於此摩尼支羅園林之中受五欲樂味若摩偷色香美味從樹華出最爲希有我今飲之百倍受樂爾時天子共諸天女以毗琉璃器盛滿摩偷天之上味遞

共相勸飲此天味此諸天衆於人中時布施持戒今得如是勝妙色香上味果報隨其本業上中下報心生愧耻樹上有鳥名飲摩偷見諸天子心生愧耻即爲天子而說偈言
衆生癡所使 飲於摩偷酒 現觀癡所繫
貪著於美味 摩偷癡網網 飲之至命終
退墮於地獄 諸龍亦如是 若見觸鰐嘗
令人心癡醉 是故衆縉網 智者所捨離
見之生貪著 觸之則鰐嘗 魁之心貪味
著味爲衰惱 一切繫縛中 無過貪嗜味

壞名聞色力 以其著味故 著味所迷亂
目晉常惛醉 心迷致癡荒 不知善惡法
女人所輕笑 眠卧於糞穢 而無所覺知
不能自動發 酒能壞名聞 而無所覺知
猶如飲毒藥 亦如死網縉 酒過於無畏
三十有六失 既知此過惡 應當速遠離
大姓智慧人 爲酒之所汙 衆人所輕忽
如草隨風轉
如是天鳥雖是畜生毀呴諸天何況餘天此
諸天子飲於天味上中下味色香具足如其

善業願行種子飲已復詣陀羅殿林於此林中欲行遊戲聞種種音心生歡喜青優鉢羅以爲首髮天子天女共相圍遶歡喜遊戲心常念欲金色光明陀羅林殿既受樂已復往詣於彌伽雲林既至彌伽雲林之中見百千殷大曼莊嚴爾時天主釋迦提婆乘伊羅婆那大白象王共諸天子天女眷屬圍遶心生喜悅爲欲利益放逸諸天時諸天衆見帝釋來悉皆出迎皆以頭面頂禮天主於天主前出衆妙音歌舞戲笑歡喜呼呼時天主釋以

柔軟言慰問諸天在於伊羅婆那白象之上告諸天曰汝以自業受於天樂我今欲還歡喜之園除阿脩羅瞋恚恃怙大力慢心時諸天衆白帝釋言天王我今亦當隨於天王除阿脩羅瞋恚橋慢時天帝釋告諸天曰汝勿急速我今自能破阿脩羅時天帝釋語諸天已入歡喜園見阿脩羅在歡喜園猶如雲聚漸漸增長時諸天衆罵詈毀訾轉增高大時諸天衆見其增長罵詈不息倍更增長顏色醜惡帝釋見之告諸天衆此阿脩羅以汝瞋

故身增轉大我當方便令離瞋慢時天帝釋而說頌曰

不瞋能伏瞋 忍伏麤惡心 法能伏非法
光明破闇冥 成實勝妄語 正語伏綺語
軟語勝惡口 能禁兩舌過 慈心斷殺害
法二
布施除慳貪 正念勝邪念 善念破惡念
明能破無明 白日除黑闇 白月勝黑月
如是常得勝 智慧知真諦 勝於邪見欲
賢聖八分道 能破諸惡趣 如來四無畏
能破諸怖畏 憶念破忘失 智能破愚癡

若住阿蘭若 則能破諸欲 須彌勝衆山
及以衆園林 大海勝消流 及以諸河池
日光勝衆星 亦勝於餘宿 法式勝無法
布施破貧窮 賴直勝詭曲 實能破妄語
吉能破不吉 火能燒衆薪 水能破於渴
食則能除飢 師子心勇健 勝於一切獸
知足勝希望 智者如是說 悲愍者常勝
無悲為減劣 智慧能調伏 智者如是說
衆惡邪見業 多作諸妄語 如於外道中
如來最殊勝 天勝阿脩羅 以其法勝故

我當破一切。何況汝一身。阿脩羅使汝勿生希望。今此師子座。皆者所應住。時阿脩羅聞釋迦提婆說是語已。不復增長。以得聞於實語縛故。減劣不增。色力勇健悉不增長。見其劣弱時。有天子手捉其足曳令下座。即時驅出天歡喜園。時天帝釋心生歡喜。復往詣於摩尼支羅所住之地。乘於伊羅婆那大白象王。騰空而遊。向於摩尼支羅之林。所作既辦。與諸一切天子天女至摩尼地。摩尼地天見天王。釋皆悉出迎頭面頂禮修。

陰二九
散既畢。皆往詣於彌伽雲林。其地一切衆欲具足。柔軟廣博。衆華遍覆。以蓮華枝用爲宮室。一切愛處。釋迦天王共諸天女。種種樂音歌舞遊戲。娛樂受樂。韻闋婆王圍遶。帝釋歌舞妙音讚歎天王五樂音聲。以爲娛樂。時天帝釋在於伊羅婆那白象之上。其象端嚴勝於寶山。行步進趣如動玉山。其象鮮白。踰於雪山。如春末時日光照曜雪山之峯。如是天衆天子天女圍遶。帝釋遊於園林。其諸園林毗琉璃寶白銀玻瓈因陀青寶大因陀寶赤

造華寶真金碑碣以爲莊嚴釋迦天王共諸天衆天子天女遊戲園中閉惡趣門心生歡喜雖得見諦猶受歡樂而常思惟衆生生死既思惟已不恚不悅觀諸樂受皆悉無當破壞離散如是知已內自思惟諸天退歿因於自業爲何所至受自業果業風所吹墮於地獄於是畜生流轉受苦而無伴侶一切諸天作樂具戲弄一切愚癡凡夫時天帝釋思惟是已而說頌曰

譬如虛空雲爲風之所吹和合須臾散生死亦如是時時如衆華見人有生生一切皆磨滅如去來亦然如是善業熟則受於天樂時節如樹林善時既盡已樂受則亦失生時甚敷榮時節既過已一切皆墮落諸天如樹葉樹如受樂處受樂則有墮不住於空中諸樂亦如是無有常樂者猶如夏降雨及諸天女皆悉如意會當別離如是之業大譬如孔雀鳥風雲則出聲念念不暫停天樂亦如是譬如以乾木風止聲則滅而置於火中

天樂亦如是 爲時火所燒 生已復歸滅
已經百千返 爲愛之所欺 而無有厭心
癡愛網所覆 一切無免者 戲弄於諸天
受諸不善業

如是天帝釋愍諸天故說是偈已乘於伊羅
婆那大白象王天衆圍遶奏諸音樂出妙音
聲還善法堂以得勝於阿脩羅故心生歡喜
諸天恭敬到善法堂摩尼支羅所住諸天受
欲無厭受於色聲香味觸等遊戲園林乃至
可愛善業壞盡從天還退隨業流轉墮於地

獄餓鬼畜生若生人中生大種姓受第一樂
端正殊妙生在中國正法行處大富饒財子
孫具足壽命延長眷屬和順世間所有一切
資具皆悉具足一切衆人之所愛敬或爲大
王或作大臣以餘業故復次比丘知業果報
卷一觀三十三天所住之地彼以聞慧見三十三
天二十八地名曰衆分衆生何業而生彼天
彼以聞知見有衆生修行善業正身口意質
直不誨不惱衆生常行善意其心質直離惡
知識親近善友不近惡友不共言論不與同

住亦不同行常避惡人惡人所友亦不親近
親近賢善聽聞正法聞已思惟心入於法善
不善無記若有善法則便攝取知不善法則
便捨離正念觀察調伏其心不貪不欲持七
種戒微細不犯乃至小犯常懷大懼一切善
業如鍊真金清淨無垢如是之人不殺不盜
布施修福見殺衆生救令得脫云何救於殺
害衆生若有丈夫侵他婦人爲官所收打惡
聲鼓從右門出欲斷其命無救無護無所希
望慘悴憂惱欲至塚間將至殺處如是善人

贖舍得脫復行布施修諸福德云何善人修
行福業若僧住處曠野無水渴乏若惱如是
善人或爲作井或爲造池若有水池若井朋
壞若多田蟲爲僧修治以諸細蟲置餘水中
如是微細皆不殺害若以漉囊漉諸水蟲遂
置水中是名不殺生云何不偷盜不以盜心
取他草葉若曠野中種種粟菜故村聚薄疑
他所護亦不敢取是名不盜是人修行一切
善業身壞命終生於善道三十三天衆分之
地生於右門真金爲座白銀瑠璃或以玻瓈

或舎寶或赤蓮華寶以爲其座青因陀寶
大青寶王真珠之座如是珍寶莊嚴之座而
於中生既生天已而自思惟我以何業而來
生此即自念知我於前世作斯善業第十一
僧如是善業猶如父母清涼之寶生於天上
決定受樂如是天子作是念已即自現見業
之果報見果報已讚歎善業毀呴惡業念本
生已念人業地無量善業地如父如母爾時
天子念本生已而說頌曰

以善得人身 得已不放逸 造作衆善業

因是得生天 人身甚難得 得已行放逸
爲放逸所迷 命終墮地獄 作三種善業
修行七種戒 殺於三怨家 則受諸天身
若人伏煩惱 未斷於愛心 是人愛因緣
則生於天中 破壞於嫉妒 大苦之窟宅
種種行布施 是人生天中 觀他如己身
憇愍護衆生 慈心常調伏 是人生天中
觀偷盜如火 布施於一切 以自修其心
是人生天中 觀他妻如母 常思惟真諦
欲泥不能淨 是人生天中 火從自心起

由舌鑽燧生 若離此妄語 則生於善道
惡口破慈心 智者能捨離 常樂說輒語
則生於天中 觀綺語如刀 一切常遠離
常行於正語 是人生善道 苦有行善人
不行於兩舌 實說諦知時 十三是人生天中
若人護如是 七種身口戒 其人諦知戒

如是初生天子思惟既訖說此偈已觀本生
處念生處已著欲境界以前習故說如是偈
爾時初生天子威德殊勝一切皆集天女見

之速疾馳奔至天子所猶如衆蜂馳奔蓮華
諸天女衆馳奔天子亦復如是手中執於種
種伎樂琴瑟箜篌鼓衆妙音是諸天女華鬘供
莊嚴散以末香手執華鬘復有天女散華供
養初生天子如是天女以種種供養供養天
子不可譬喻勝上天女或百或千見此天子
初生天中心生愛樂又見本所奉事天子死
相已現捨本天子馳向初生福德天子譬如
渴牛捨於枯池走趣清水此諸天女亦復如
是捨本所事馳速往詣初生天子爾時初生

天子聞諸天女莊嚴之具出美妙音欲心即發何況見色及其音聲爾時天子見諸天女及聞樂音恭敬供養心生愛樂悉忘本生猶如隔於百千生死何以故以生天中放逸地故性如是故爾時初生天子爲諸天女以諸欲法種種情態不善觀故欲心增長時諸天女說於種種欲心相應不淨之語如是受於放逸之樂天子天女互相隨逐天女圍遶一切諸欲皆悉具足如是之樂音所未得今既得已心生歡喜爲欲所牽隨諸天女不得自

在時諸天女奉給天子歌舞戲笑種種吟詠鄙媒調諱令此天子心意迷惑隨諸天女所至之處常隨其後欲網所縛如鳥在網如是天子愛欲所縛亦復如是隨其至處天子隨之如是地處七寶莊嚴昔所未見見之愛樂既見此地於此地中無量天衣天鬘莊嚴受無量樂復往詣於度曠野林作天伎樂共此天子至曠野林見此林中一切衆鳥種種相貌以爲莊嚴其音美妙出種種聲與諸羣鳥遊戲娛樂諸鳥亦復雄雌相隨若至華中飲

摩偷酒雄鳥隨之若於諸華亦復如是若鳥遊空雄雌相隨亦復如是隨其至處若食美果鳥亦隨之若復遊戲蓮華池中亦復如是於山峯中二鳥雙遊如是天鳥亦爲愛網之所繫縛將至異處衆蜂之類亦復如是羣鹿麌鹿相隨遊戲亦爲鹿鹿欲網所縛亦如天子迷天女色譬如夏時降雨滿池充遍盈溢是諸天子爲諸天女欲愛充滿亦復如是愛欲繫縛雖復舒緩甚爲難解如是比丘觀此事已而說頌曰

如是如欲網輪轉於有獄心既爲欲縛欲網不可燒繩網但縛身能縛一切人如是愛縛心著甚難解人爲愛所縛求之不可見初染生愛著女色大繩網縛衆生六根或縛或不縛若枷鎖杻械繩但縛一身繫縛甚堅牢能令諸衆生身縛尚可解心縛不可脫常受諸苦惱繩網尚可斷不離三惡道愛網甚廣大雖非是色法_{出二}繩網縛衆生_{出五}尚可現覩見初染生愛著不能脫生死聖說非爲堅

癡人愛染心 繫縛甚堅牢

如是比丘毀此愛欲爾時天子爲愛天女一切愛網之所繫縛將至園林見種種林甚可愛樂無以可喻爾時天子遊於華池其池名曰白鶴之池與諸天女至此池邊天子天女遊戲娛樂受五欲樂種種樂音出衆妙聲衆分天子復往詣於金山之中互相娛樂受五欲樂既受樂已作如是念我今當與一切天衆詣善法殿遊戲受樂作是念已與諸天衆詣善法殿或遊虛空或乘鵝鳥或乘孔雀或

乘宮殿如是種種詣善法殿見天帝釋種種伎樂歌舞妙音至善法堂爾時釋迦天王聞衆樂音告諸天子大仙如是音樂是誰樂音何地天衆來至於此時諸天子聞是語已得出觀之既見天衆還善法殿白帝釋言天王當知衆分地天衆今來至比奉問天王時天帝釋告諸天子汝今應當發勝歡喜以諸樂器作諸伎樂出迎衆分所來天子種種遊戲共相娛樂時諸天子聞帝釋勑即奉其教手執種種琴瑟箜篌種種樂器種種天曼莊嚴

其身其身流出種種光明身光鮮白晃曜照
明出迎衆分所來天子二衆相見和合遊戲
作諸神通種種伎樂歌舞衆妙音至善法殿爾
後二時天主釋迦提婆坐百千柱寶殿之上其師
子座名曰得勝天王坐上安隱快樂威德光
炎百千天衆周而圍遶受善業果威德殊勝
過於和合百日並照雖處天宮而不放逸如
是天衆既見天王皆大歡喜過先十倍即以
頭面頂禮天王釋迦提婆歌舞遊戲以諸偈
頌讚歎天王

天主憍尸迦常護於世間法行常寂靜
境界莫能壞以法調世間不以非法教
順法常安樂違法受苦惱行法則安樂
修智亦如是若世間功德
十六天王悉具足怖者爲作歸此一切功德
天王持世間天人阿脩羅天王最殊勝
離諸不善法洗除三惡垢受於三歸法
如實知三業行勝三菩提雖生放逸地
不樂於放逸天王持世間法行離怨敵

爾時衆分之地諸天子等勝智慧等讚天王
時爾時釋迦提婆因陀羅觀諸天衆善言慰
喻告諸天曰諸天子莫行放逸若放逸者則
無利益時諸天子讚帝釋已與天帝釋乘於
虛空向衆分地帝釋爲首諸天隨從往詣衆
卷二十七
分時天帝釋作如是念此諸天子心行放逸
不知退苦我當示化退歿之相令生厭離時
天帝釋爲於遊戲放逸諸天子等化中陰有
時諸天子戲遊園林山峯華池時諸天子各
各自見一切衆具勝相莊嚴皆見失壞一切

樂具亦皆磨滅惶怖苦惱身被繫縛怖畏涕
泣烟炎俱起來遶其身閻羅王之所執持
飢渴自燒行大怖畏火來燒身猶如燒林閻
羅使者醜惡可畏種種惡色手執刀仗弓刀
矛矟及捉黑繩赤捧網繩或有上昇或有下
行時閻羅王所遣使者遍須彌山時諸天子
見閻羅使從於天上縛諸天子加諸楚毒罵
言趨打遍身火起其焰猛熾時閻羅使手執
刀戟奮目大怒互相告曰諸閻羅使速縛如
是放逸天子我當戮之將入地獄令其不復

得行放逸如是大喚上昇虛空上須彌山遍於諸地皆令摧壞百千萬億那由他數閻羅使者伺命之官醜惡獄卒遍壞諸地及以山側遍於虛空或上或下惱諸天子語諸天子汝等所受五欲之樂種種音樂今何所在汝等今爲閻羅使者將詣地獄受大苦惱若諸天子將墮地獄則見獄火來燒其身若諸天子有善業者但見地獄不見自身爲火所燒時諸天子自見中陰被大繫縛爾時獄卒閻羅王使爲此天子而說頌曰

汝愛於欲樂而不作善業是故得苦果今日已成就汝若樂放逸而行於非法至於臨終時心乃生悔熱悔熱踰火燒亦踰於刀戟從於五根生而還自燒滅於苦謂爲樂貪慾爲親友觀放逸如是是故應捨離陰二放逸愛和合爲欲之所縛三種大怨家能破壞大樂憍慢近惡友懈怠及貪心遠離於持戒是地獄因緣持戒清涼觸得報甚清涼愚人不修行臨終生悔熱見於他妻妾而生貪著心

飲酒行劫盜 因此墮地獄 惡口親惡友
邪見無正信 其心多躁擾 此法失人身
貪心及綺語 妄語無誠信 今世若後世
無有少安樂 遠離於善友 親近惡知識
根本無利益 不信業果報 不識業果報
若樂非衆生 是人迷因果 臨終生悔熱
若人常妄語 恃智生憍慢 後得大衰惱
乃覺其業果 若流轉世間 具受諸苦惱
皆由無明力 大仙如是說

爾時釋迦提婆因陀羅化作如是閻羅使者
爲諸天子中有說法折伏呵責時天帝釋復
爲諸天衆示現變化若諸天子有先世業應
墮畜生示於無量種種業相如印印泥中陰
之相互殘害共相食歟生大怖畏令諸天
子皆悉見之若諸天子無畜生業但見畜生
互相殘害不見自身作畜生形時天帝釋復
爲放逸諸天子等示化中陰若諸天子當生
餓鬼爲於飢渴焚燒其身長髮覆面其形醜
惡此諸天子見虛空中烏鵲諸鳥來啄其眼
及耳鼻舌是時天衆見向所化如是惡相生

大怖畏餘天見已白帝釋言釋迦天王何故捨諸天子而自止住此諸天子皆被繫縛或阿脩羅或餘惡人將之欲去遍須彌山一切諸地我亦曾與阿脩羅鬪未曾覩見如是惡相又阿脩羅及其軍衆未曾俱來至此天中云何世間失正法耶不孝父母耶不敬沙門婆羅門耶不敬耆舊長宿耶天王今諸世間不供養如來及法僧耶不知因果不知真諦耶如護世天王常說此法今闍浮提不修行耶今諸天衆皆被惱亂天王何故不嚴器仗

乘於伊那大龍象王身服鎧甲擊天戰鼓莊嚴鬪戰有諸天衆天王同業向天王釋作如是說復有諸天覩此希有未曾見事心生厭離極大恐怖諸根振動歸依帝釋作如是言唯願天王救護我等此諸天衆所住之地悉爲阿脩羅之所劫奪未曾見此阿脩羅等可畏之身如是怖畏諸天子等勢向帝釋作如是說復有天子見是化已向善法殿速疾馳奔取諸器仗鬪戰之具復有天子詣雜殿林取諸鬪具向閻羅使若打若捉不能加害譬

如鏡中所見色像不可捉持不可打害如是
天王示如斯化是時天主釋迦提婆復示天
子化阿脩羅勝於羅睺勇健阿脩羅等被縛
過打斫刺罵詈悲泣憂惱如諸天子化受苦
惱時諸天子見阿脩羅受大劇苦百千萬倍

廿二
令諸天子身毛皆豎唯願天王爲我說之我
今亦畏得此衰惱天王何者爲知才耶諸天
之衆及阿脩羅皆悉破壞一切世間恐皆摧
滅天王若知願爲我說釋迦天王若不知若
不知者願善思惟

遇諸天子時諸天子見阿脩羅受大苦惱未
曾所見生大怖畏復往詣於釋迦天王白天

王言我今不知是何丈夫有斯大力皆能繫
縛諸阿脩羅王羅睺阿脩羅王勇健阿脩羅
王繫縛過打斫刺罵詈云何有此未曾有事

正法念處經卷第三十二

音釋